



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ Ս. ԳԱՅԱՆԵ ՎԱՆՔՈՒՄ

Սույն թվականի փետրվարի 14-ին, Վեհափառ Հայրապետի բարձր կարգադրությամբ և ձեռամբ Մայր տաճարի լուսարարապետ գերաշնորհ Տ. Հուսիկ արքեպս. Սանթուրյանի, տեղի ունեցավ երեք բարեշնորհ սարկավագների քահանայական ձեռնադրություն:

Փետրվարի 18-ին, շաբաթ օրը, երեկոյան, Մայր տաճարի Իջման ա. սեղանի առջև, կատարվեց բարեշնորհ Ռուբեն արկ. Հարությունյանի, Մարգար արկ. Տերտերյանի և Լևոն արկ. Քեառքլյանի «Կոչումն քահանայության» արարողությունը՝ ըստ Հայաստանյայց Եկեղեցու Ձեռնադրության Մաշտոցի:

Արարողության խարտավիլակ Տ. Ասողիկ վրդ. Արիստակեսյանը վկայեց նորընծաների հոգևոր-իմացական պատրաստականության և Հայ Եկեղեցում որպես քահանա ծառայելու պատրաստակամության մասին:

«Կոչումն քահանայության» արարողության ավարտին բարեշնորհ սարկավագները արտասանեցին Ս. Գրիգոր Տաթևացու սահմանած Հայ Եկեղեցու «Հաւատոյ խոստովանութիւնը»՝ համաձայն Ձեռնադրության Մաշտոցի:

Փետրվարի 14-ին, կիրակի օրը, Ս. Գայանեի վանքում մատուցվեց հանդիսավոր ա. պատարագ: Պատարագիչն էր գերաշնորհ Տ. Հուսիկ արքեպս. Սանթուրյանը: Պատարագի ընթացքում գերաշնորհ արքազան հայրը, ձեռքը դնելով նորընծաների վրա, արտասանեց ձեռնադրության խորհրդավոր աղոթքը: Այնուհետև ձեռնադրող արքազան հայրը նորընծաներին շնորհեց քահանայական փիլոն, սաղավարտ, փորուրար և շուրջառ կրելու իրավունք:

Ապա հաջորդեց օծման խորհրդավոր ու արքազան արարողությունը: Ձեռնադրող արքազան հայրը նորընծաների ճակատն ու ձեռքերը օծեց արքայույս մեռունով, վերանվանելով Ռուբեն սարկավագին՝ Տ. Կոմիտաս քահանա, Մարգար սարկավագին՝ Տ. Մակար քահանա, Լևոն սարկավագին՝ Տ. Գեղամ քահանա:

Նորընծաները ա. խորանից ժողովրդին տվեցին իրենց անդրանիկ օրհնությունը՝ «Խաղաղութիւն ամենեցուն»:

Արարողության ավարտից հետո շնորհավորանքի ու խրատական խոսք ասաց ձեռնադրող արքազան հայրը:



Հրաժարումի պահին արարողության ժամանակ

Տ. ԿՈՄԻՏԱՍ ՔԶՆ. ՀԱՐՈՒԹՅՈՒՆՅԱՆ

Ծնվել է 1957 թ. մայիսի 3-ին, Երևանում:

1964—75 թթ. սովորել է Երևանի № 46 միջնակարգ դպրոցում: Միջնակարգն ավարտելուց հետո ընդունվել է «Հայֆիլմ» կինոստուդիային կից «Կինոդերասանի» ստուդիա, ուր մեկ տարի սովորելուց հետո գորակոչվել է սովետական բանակ:

1976—78 թթ. ծառայել է սովետական բանակում:


Ծառայությունն ավարտելուց հետո շարունակել է դասընթացը կինոստուդիայում, որն ավարտել է 1980 թ.-ին:

1982 թ. ձեռնադրվել է դպիր և ծառայության անցել Արարատյան հայրապետական թեմում:

1984 թ. փետրվարի 4-ին, ձեռամբ Տ. Գարեգին եպս. Ներսիսյանի, ձեռնադրվել է սարկավագ:

1984—1987 թթ. սովորել է հոգևոր ճեմարանում:

Ներկայումս ծառայում է Մայր տաճարում որպես ավագ դասապետ:




Տ. ՄԱԿԱՐ ՔԶՆ. ՏԵՐՏԵՐՅԱՆ

Ծնվել է 1962 թ. մայիսի 12-ին, Էջմիածին քաղաքում: 1969—1980 թթ. սովորել է Էջմիածնի Երվանդ Օտյանի անվան № 7 միջնակարգ դպրոցում: 1980 թ. սեպտեմբեր ամսին ընդունվել է Մայր Աթոռ Ս. Էջմիածնի հոգևոր ճեմարան: 1984 թ. դեկտեմբերի 25-ին գերաշնորհ Տ. Հուսիկ արքեպս. Սանթրուքյանի ձեռամբ ձեռնադրվել է սարկավագ: 1985 թ. ավարտել է հոգևոր ճեմարանը: 1986 թ. մարտին ավարտաճառ է պաշտպանել «Ծոռազատիկի առաջացման պատճառները և նրա արձագանքները հայ մատենագրության մեջ» թեմայով:


Հոգևոր ճեմարանը ավարտելուց հետո նշանակվել է Մայր տաճարին կից թանգարանում որպես գանձապահ: Ակնուհետև ծառայել է Ա. Խորվիրնայի վանքում որպես սարկավագ:

Այժմ ծառայում է Մայր տաճարում որպես ծիսակատար քահանա:



Տ. ԳԵՂԱՄ ԲԶՆ. ԲԵՍԱԲԼՅԱՆ

Ծնվել է 1955 թ. մարտի 11-ին, Էջմիածին քաղաքում:



1962—1972 թթ. սովորել է Էջմիածին քաղաքի № 1 միջնակարգ դպրոցում:

1973 թ. ընդունվել է Երևանի Փանոս Թերլեմեզյանի անվան Գեղարվեստի ուսումնարան:

1974 թ. գորակոչվել է սովետական բանակ: Ծառայությունն ավարտելուց հետո շարունակել է ուսումը վերոհիշյալ ուսումնարանում:

1979 թ. ավարտել է ուսումնարանը և հաշմանակվել Էջմիածին քաղաքի № 8 միջնակարգ դպրոցում որպես գեղանկարչության ու գծագրության ուսուցիչ:

Այնուհետև հոգևոր ճեմարանում երկու տարի հաճախել է քահանայից դասընթացներին, որպես ազատ ունկնդիր:

1984 թ. ձեռնադրվել է սարկավագ Մայր տաճարի լուսարարապետ գերաշնորհ Տ. Հուսիկ արքեպս. Սանթրոյանի ձեռամբ:

1986 թ. սկսած ծառայել է Ս. Գալանե վանքում իբրև սարկավագ:

Այժմ աշխատանքի է նշանակված Էջմիածնի Ս. Աստվածածին եկեղեցում որպես ծիսակատար քահանա:

*
*
*

«Էջմիածին» ամսագրի խմբագրությունը շնորհավորում է նորընծա քահանաներին, մաղթելով, որ նրանք անշահախնդիր կերպով իրենց ուժերն ի սպաս դնեն՝ ի պետու և ի ծառայություն հայ հավատացյալ ժողովրդի:

